



UKA2020/189  
01. oktober 2020  
Sofia Geisler

**Uunga siunnersuut: Tuniniaanissamik nittarsaassisarneq aamma nalunaaqutsersuisarneq pillugu Inatsisartut Inatsisaata allanngortinnissaa pillugu Inatsisartut inatsisaat nr. xx, xx. xxx 2020-meersoq**

(Inuussutissarsiornermut Aatsitassanullu Naalakkersuisoq)

Tuniniaanissamik nittarsaassisarneq aamma nalunaaqutsersuisarneq pillugu Nalunaarut 1994-meersoq nutartigassanngorsimasoq 2018-imi ukiakkut ataatsimiinnitsinni isumaqatigiissutigivarput, ataatsimiititaliamilu susassaqartumit taamani isumaliutissiissutaasumi aamma tamanna naqissuserneqarpoq.

Taamaattumik Inatsisartut Inatsisaata tassunga tunngasup allanngortinnissaa pillugu Naalakkersuisut ullumikkut saqqummiussaata tamanna aallaavigisimammagu iluarisimaarparput, taamatullu isikkoqarluni ataatsimiititaliamut susassaqartumut ingerlateqqinneqarnissaa innersuussutigalugu.

Atuisut, tassalu pisisartut, eqqarsaatigalugit akit qanoq katitigaanerannik nioqqutissallu sunik akoqarnerannik paasissutissiineq ullumernit annertunerusumik pisalissasoq neriuuteqarluarfigalutigu aamma oqaatigissavarput.

Piffissanngorsimavoq pissutsinut atuutilersimasunut naleqqussaanissaq, pisisartut aamma aallaavigalugit, maannalu Naalakkersuisunit saqqummiunneqartup tamanna aallaavigisimammagu allamik ilaqqinnagu ataatsimiititaliamut ingerlateqqikkumavarput.